



# Icyegeranyo cy'amakuru y'imikino yaranze icyumweru

2024

Taliki 26-29 Mutarama



P.1 RNOSC : Hagaragajwe ibyavuye mu bushakashatsi ku ikoreshwa  
ry'ibiterambaraga bitemewe muri siporo

## Ijambo ry'ibazwe

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'l'mikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

## Ibirimo

- P1 **RNOSC :** Hagaragajwe ibyavuye mu bushakashatsi ku ikoreshwa ry'ibiterambaraga bitemewe muri siporo
- P2 **Handball :** Misiri yegukanye igikombe cy'Afurika, u Rwanda ruza ku mwanya wa 14
- P3 **Cycling :** Habaye umunsi wa mbere shampiyona y'ighugu mu bakiri bato
- P4 **Handball:** U Rwanda rwahawe kwakira imikino y'Afurika muri 2026
- P4 **Football :** Habaye imikino y'umunsi wa 18 ya shampiyona

# RNOSC : Hagaragajwe ibyavuye mu bushakashatsi ku ikoreshwa ry'ibiterambaraga bitemewe muri siporo

Taliki 29 Mutarama 2024 muri Sainte Famille Hotel i Kigali habereye inama ya Komite Olimpike y'u Rwanda "CNOSR" ikaba yari igamije kugaragaza ibyavuye mu bushakashatsi bwakozwe ku bijyanye n'ubumenyi bw'abantu bazarizwa muri Siporo y'u Rwanda ku ikoreshwa ry'ibiterambaraga bitemewe muri siporo "Doping".

Iyi nama yari yitabiriwe n'abayobozi ba CNOSR barimo Perezida w'agateganyo, Umulinga Alice, Visi Perezida, Umutoni Salama, Umunyamabanga, Kajangwe Joseph, intumwa ya MINISPORTS, Munyanziza Gervais.

Hari kandi uwari uhagarariye Komisiyo ya UNESCO mu Rwanda , Kajuga Jerome, uwari uhagarariye Rwanda Forensic Institute "RFI", Dr. Kabera Justin, abagize Komisiyo y'ubuvuzi no kurwanya ibiterambagara bitemewe muri CNOSR, Dr. Nuhu Assuman na Dr. Nkurunziza Charles n'abari bahagarariye amashyirahamwe n'ingaga z'imikino mu Rwanda.

Ubu bushakashatsi bwakozwe na Komisiyo y'ubuvuzi no kurwanya ibiterambagara bitemewe "Medical and Anti-Doping Commission" muri CNOSR.

Muri ubu bushakashatsi bwakozwe muri 2023 bukaba bwarakorewe ku bantu 415 baba hafi y'abakinni bwagaragajwe ko nubwo babifiteho amakuru ariko hari byinshi badasobanukiwe.

Muri iyi nama hagaragajwe ko gupima abakoreshje ibiterambaraga bitemewe muri siporo bigoye kuko ibipimo byoherezwa hanze y'u Rwanda nko muri Afurika y'Epfo cyangwa muri Espagne kandi bikaba bisaba amafaranga menshi asaga ibihumbi 700 y'u Rwanda.

Kuri ubu lkigo cy'u Rwanda cy'lbiminyetso bishingiye ku bumenyi n'ubuhanga bikoreshwa mu butabera (Rwanda Forensic Institute "RFI") gifite ubushobozi bwo gupima abakoresha ibiterambaraga bitemewe ariko gisabwa kuba gifite uburenganzira ku rwego mpuzamahanga. Ibi bikaba bisaba ko u Rwanda ruba rufite urwego rushinzwe kurwanya ikoreshwa ry'ibiterambaraga biteme "National Anti-Doping Organization" (NADO).

Ku ruhande rwa CNOSR na Minisiteri ya Siporo "MINISPORTS" biyemeje ko bagiye gukomeza gufatanya n'amashyirahamwe y'imikino muri gahunda y'ubukangurambaga mukurwaya ikoreshwa ry'ibiterambaraga bitemewe muri siporo.

Hemeje ko hagiye gushyirwa imbaraga mu gushyiraho NADO kugira ngo RFI izahabwe uburenganzira bwo gupima abakoreshje ry'ibiterambaraga bitemewe muri siporo.



Kuva taliki 17 kugeza 27 Mutarama 2024 i Cairo mu Misiri habereye imikino y'Afurika muri Handball mu bagabo "Men's Handball African Cup of Nations 2024".

Iyi mikino yari ibaye ku nshuro ya 26 yari yitabiriwe n'amakipe 16 aho yari agabanyije mu matsinda 4. Itsinda A ryari rigizwe n'u Rwanda, Cap Vert, RDC na Zambia. Itsinda B ryari ririmo Misiri, Guinea, Cameroun na Congo Brazzaville. Itsinda C ririmo Maroc, Algeria, Gabon na Libiya naho itsinda D rigizwe na Tunisia, Angola, Nigeria na Kenya.

Ikipe ya Misiri ni yo yegukanye iki gikombe itsinze ku mukino wa nyuma Algeria ibitego 29 kuri 21 naho Tunisia yegukana umwanya wa 3 itsinze Cap Vert ibitego 35 kuri 28.

### **Uko ikipe y'u Rwanda yitwaye**

Mu mikino yo mu matsinda, ikipe y'u Rwanda yatsinzwe na Cap Vert ibitego 52 kuri 27, itsindwa na RDCibitego 38 kuri 20 nyuma itsinda Zambia ibitego 36 kuri 25.

Mu guhatanira imyanya kuva kuri 9 kugeza 16, ikipe y'u Rwanda yatsinzwe na Gabon ibitego 37 kuri 33, itsinda Kenya ibitego 32 kuri 24 nyuma itsindwa na Congo Brazzaville ibitego 42 kuri 48 mu guhatanira umwanya wa 13. Ikipe y'u Rwanda ikaba yarasoreje ku mwanya wa 14.

### **Uko amakipe yakurikiranye**

#### **Final ranking**

Rank	Team
1	Egypt
2	Algeria
3	Tunisia
4	Cape Verde
5	Guinea
6	DR Congo
7	Morocco
8	Angola
9	Nigeria
10	Cameroon
11	Gabon
12	Libya
13	Congo
14	Rwanda
15	Kenya
16	Zambia

Nyuma y'iri rushanwa, amakipe 5 ya mbere ari yo Misiri, Algeria, Tunisia, Cap Vert na Guinea yabonye itike yo kuzaserukira Afurika mu mikino y'igikombe cy'Isl "IHF World Men's Handball Championship 2025" izabera muri Croatia, Denmark na Norway kuva taliki 09 kugeza 27 Mutarama 2025.

Ikipe ya Misiri yegukanye igikombe yabonye itike yo kuzaserukira Afurika mu mikino Olempike izabera i Paris mu Bufaransa kuba taliki 25 Nyakanga kugeza 11 Kanama 2024. Amakipe abiri, Tunisia na Algeria zabonye amahirwe yo kuzitabira imikino yo gushaka itike y'imikino Olempike "Olympic Qualification Tournaments 2024".

Biteganyijwe ko imikino y'Afurika itaha muri 2026 izabera i Kigali mu Rwanda.



# Cycling : Habaye umunsi wa mbere shampiyona y'abakiri bato

Taliki 28 Mutarama 2029 i Musanze habereye umunsi wa mbere wa shampiyona y'abakiri bato mu mukino w'amagare muri uyu mwaka w'imikino wa 2024 "Youth Racing Cup 2024". Iyi shampiyona yitabiriwe n'abana bafite hagati y'imyaka 11 na 19.

## Uko isiganwa ryagenze

### Abahungu

- Boys U-11**

1. Ntwali Alexis 14'04"
2. Zaneth David +22"
3. Zayidi Malk +22"

- Boys U-15**

1. Ndayisaba Isiacka 29' 27"
2. Habumuremyi Cyusa 29' 27"
3. Intwali Reponse 29' 27"

- Boys U-17**

1. Shema Robert 46' 03"
2. Gisubizo Issa 47' 01"
3. Muhamenimana Rafiki Jonathan 47' 01"

- Men Junior (U-19)**

1. Nshutiraguma Kevin 57'14"
2. Ufitimana Shadrack 57'20\*
3. Nizeyimana Fiacre 57'31"

### Abakobwa

- Girls U-11**

1. Umuhoho Jowana 17'57"
2. Icyizere Olgan Riella 18'12"

### Girls U-13

1. Umwamikazi Joy Cynthia 23'34"
2. Beza Teta Tracy +12'57"

- Girls U-15**

1. Uwase Nadia 30' 12"
2. Lisa Jehovayire 32' 06"

- Girls U-17**

1. Masengesho Yvonne 7' 01"
2. Niyomukiza Claudine 49' 01"
3. Ishimwe Cynthia 51' 13"

- Women Junior (U-19)**

1. Iragena Charlotte 1h00'21"
2. Umutoni Sandrine 1h01'42"
3. Tuyisenge Nadine 1h03'35"



## Handball: U Rwanda rwahawe kwakira imikino y'Afurika muri 2026

Taliki 27 Mutarama 2024 i Cairo mu Misiri ni bwo u Rwanda rwashyikirije ikirango nk'ikimenyetso kirwemerera ku mugaragaro gutegura no kwakira imikino y'Afurika mu mukino wa Handball "African Men's Handball Championship 2026".

Uyu muhango wabaye ubwo hasozwaga imikino y'Afurika "African Men's Handball Championship 2024" yabaye kuva taliki 17 Mutarama 2024.

Perezida w'ishyirahamwe ry'umukino wa Handball muri Afurika "CAHB", Dr Mansourou Aremou ni we washyikirije Perezida w'ishyirahamwe ry'umukino wa Handball mu Rwanda "FERWAHAND", Twahirwa Alfred ibendera rya CAHB nk'ikimenyetso cyemerera igihugu cy'u Rwanda gutegura no kwakira imikino y'Afurika ya 2026 izaba ibaye ku nshuro ya 27.

Muri Kanama na Nzeri 2022 ubwo mu Rwanda haberaga imikino y'Afurika y'abatarengeje imyaka 20 na 18 ni bwo ubuyobozi bwa CAHB bwemereye u Rwanda kuzakira imikino y'Afurika mu bagabomuri 2026.



## Football : Habaye imikino y'umunsi wa 18 ya shampiyona

Taliki 26 na 27 Mutarama 2024 habaye imikino y'umunsi wa 18 wa shampiyona y'icyiciro cya mbere mu mupira w'amaguru mu bagabo. Mu mikino 8 yari itagenyijwe habaye 4 indi irasubikwa kubera irushanwa ryo kwizihiza Intwari z'u Rwanda. Biteganyijwe ko imikino y'umunsi wa 19 izaba taliki O2, O3 na O4 Gashyantare 2024.

### Uko imikino yagenze

#### Taliki 26-01-2024

- Kiyovu 2-2 Bugesera FC

#### Taliki 27-01-2024

- Gorilla FC 1-2 Muhazi United
- Etincelles FC 2-2 Marines FC
- Gasogi United 0-1 AS Kigali

**RWANDA PREMIER LEAGUE**

**MATCHDAY 18**

POS	CLUB	PG	GD	PTS
1	APR	16	+15	36
2	MUSANZE	17	+11	33
3	POLICE	17	+9	31
4	RAYON SPORTS	17	+10	30
5	MUKURA	17	+2	27
6	KIYOVU	18	-1	23
7	MUHAZI UNITED	18	-2	23
8	GASOGI UNITED	18	-3	22
9	AS KIGALI	18	-3	22
10	MARINE	17	-4	21
11	SUNRISE	17	-4	21
12	GORILLA	18	-5	21
13	AMAGAJU	17	-2	20
14	ETINCELLES	18	-10	18
15	BUGESERA	18	+2	17
16	ETOILE DE L'EST	17	-15	12



[@rwanda.premier.league](https://rwanda.premier.league) [@rwandaLeague](https://rwandaLeague) [@rwanda.premier.league](https://rwanda.premier.league)





Website: [www.olympicrwanda.org](http://www.olympicrwanda.org)

[www.olympicrwanda.org/commonwealth](http://www.olympicrwanda.org/commonwealth)

Email: [cnosr@olympicrwanda.org](mailto:cnosr@olympicrwanda.org) | @RwandaOlympic

Address: Remera-Hallmark Center Building KG 17 Ave